



# Taor rãmb n na n wa zĩndi, n yagd zĩri la b wěgda, la ned ning sěn wa n sɪdg-ba b zĩri-beedã pugě la a sōng-ba b wěgdã pugě, a soab ka be mam sagellã pugě ye, la ma me toog ka be ne-a ye

Yii a Huzayfa nengě, (Wěnd yard be a yĩnga), ti yii Nabiyaamã nengě, (Wěnd puusg la A tulgr be a yĩnga) a yeelame: «Taor rãmb n na n wa zĩndi, n yagd zĩri la b wěgda, la ned ning sěn wa n sɪdg-ba b zĩri-beedã pugě la a sōng-ba b wěgdã pugě, a soab ka be mam sagellã pugě ye, la ma me toog ka be ne-a ye, a ka na n wa mam bãkě wã ye, la ned ning sěn ka sɪdg-ba b zĩri-beedě wã, n ka sōng-ba b wěgbã zugu, yě soabã a bee ne maam, la ma me bee ne-a, a na n waa mam nengě, bãkě wã».

[Naşun Şahuħun (Gom-sikdem sěn manege)] [A Ahmad n togs-a]

Nabiyaamã (Wěnd puusg la A tulgr be a yĩnga) koo kibare, ti ad nanams n na n wa be nebã taoore, yě kaalem poorě, n yagd gom pugě, n yet bũmb ninga b sěn ka maande, la b wěgd buudã pugě, rěnd ned ning sěn kě b nengě n sɪdg-ba b zĩri-beedã, maa a sōng-ba ne wěgd tuumde, maa wěgd gomde, maa a gomame n kō-b wěgd sore, wala a sěn na n maan fatwa n zemse, ti yaa sěn na pēneg-ba, la a tēed sěn be b nengě wã, rěnd mam zãaga m meng n yi-a, a soab ka be ne maam, ma me ka be ne-a, a ka na n wa mam nengě kaosar kulgě wã dũni yikr raar ye. La ned ning sěn ka kě b nengě, la a ka sɪdg-ba, n ka sōng-ba b wěgdã zugu, yě soabã bee ne maam, ma me bee ne-a, a na n waa mam kulgě wã dũni wã yikr raare.

<https://www.sunnah.global/hadeeth/mos/show/66197>

